



<County: Wales, Carmarthen>

<Code: L1364>

<MS reference: London, BL Cotton Cleopatra F.iii>

<Text: Letter>

Oure frende i+do 3ow to wetyn þ<sup>t</sup> Oweyn glyndour~ henri donn Res duy Res ap gr~ ap ll  
Res gethiner han y-won þe town of kermerdyn and wygmor~ constable of þe castell  
hadd y-3eld op þe castell of kermerd to Oweyn ; and han y-brend þe town and y-slay<edge of the  
letter>

of men of town mor þan l men and þei budd yn *purpos* to kedweli and a seche  
ys y-ordeynynd at þe castell þ<sup>t</sup> i kepe And þ<sup>t</sup> ys gret *peril* for me and al þ<sup>t</sup> both  
wydd me for þai han y-mad har a-vow þ<sup>t</sup> þei will al-gat haue ows dede þer-yn  
whar-for~ j prei 3ow þ<sup>t</sup> 3e nul not bugil ous þ<sup>t</sup> 3e send to ous warnig wyth-yn  
schort time wheþer schull we haue eny help . or no and bot þer bu help comig  
þ<sup>t</sup> we haue an answer þ<sup>t</sup> we may come bi ni3t and stell away to Brechnos  
cause þ<sup>t</sup> we faylyth vitels and men and namlich men also Jankyn ap ll  
hath y-3eld op þe castell of emlyn wyth fin wyll and al-so william gwyn  
Thomas ap dd ap gruff~ and moni gentils bun yn *prison* wyth Oweyn warnig  
erof i prei~ þ<sup>t</sup> 3e send me bi þ<sup>e</sup> berer~ of þus letter farydd well yn þe nam  
of þ<sup>e</sup> *trenite* y-wryt at dynevour yn hast ~~ad~~ and yn dred yn þe fest of  
seint Thomas þe martir~ .

Jankyn hauard

constable de Dynevour